

rum Priami, quæ partim Ioan. Boccattius ex uarijs autoribus collegit, partim apud Pausaniam in pictura Polygnoti
reperiuntur, huc adnotauimus, ut, qui uolet, ad horum exempla, illa emendet. Sunt autem hæc, filiarum: Creusa,
Cassandra, Ilione, Laodice, Lycaste, Medesicasta, Polyxena, Clymene, Aristomache, Xenodice, Demone, Metioche, Pri-
sis, Cleodice & Medusa. Filiorum autem, Paris, Hector, Helenus, Chaon, Troilus, Deiphobus, Polydorus i. Polydorus 2.
Lycæon, Aesacus, Antiphus, Isus, Cebryones, Phorbas, Doryclus, Pæmon, Antiphonus, Agathon, Hippothous, Agæus,
Mestor, Iphates, Testorius, Timætes, Polites, Teucer, Democoontes, Echemon, Chromius, Gorgition, Axion, Asynous,
Pelis, Eioncus, Admetus, Agenor. Quanquã de his ultimis quinque, non ausim certo affirmare, Priami liberorum nomi-
na esse, neque enim id liquido Pausanias indicat, sed tantum inter reliquos, qui circa Priamum occisi sunt, recenset: ad-
ditur & à Calabro Tesiphonus.

XCI. Alexander Paris.

Priamus Laomedontis filius, cum complures liberos haberet ex concubitu
Hecubæ Cissei, siue Dymantis filia, uxor eius prægnans in quiete uidit se fa-
cem ardentem parere, ex qua serpentes plurimos exisse, id uisum omnibus con-
iectoribus cum narratum esset, imperant quicquid pareret necaret, ne id pa-
triae exitio foret. Postquam Hecuba peperit Alexandrum, datur interficiendus, quem sa-
tellites misericordia exposuerunt, eum pastores pro suo filio repertum expositum educa-
runt, eumque Parim nominauerunt. Is cum ad puberem ætatem peruenisset, habuit taurum
in delitijs, quod cum satellites missi à Priamo ut taurum aliquis adduceret uenissent, qui
in athlo funebri quod ei, fiebat poneretur, coeperunt Paridis taurum abducere. Qui per-
sequutus est eos, & inquisiuit, quo eum ducerent, illi indicant se eum ad Priamum ad-
ducere, qui uicisset ludis funebribus Alexandri, ille amore incensus tauri sui, descendit in
certamen, & omnia uicit, fratres quoque suos superauit. Indignans Deiphobus, gladium
† ad eum strinxit, at ille in aram Iouis Hercæi insiluit, quod cum Cassandra uaticinaretur
eum fratrem esse, Priamus eum agnouit, regiamque recepit.

al. aduersus

XCII. Paridis iudicium.

Iouis, cum Thetis Peleo nuberet, ad epulum dicitur omnes Deos conuocasse,
excepta Eride i. discordia, quæ cum postea superuenisset, nec admitteretur
ad epulum, ab ianua misit in medium malum, * dicit quæ esset formosissima
ma attolleret. Iuno, Venus, Minerua formam sibi uendicare coeperunt, inter
ter quas magna discordia orta. Iouis * imperat Mercurio, ut deducat eas in Ida monte
ad Alexandrum Paridem, eumque iubeat iudicare. Cui Iuno si secundum se iudicasset,
pollicita est in omnibus terris eum regnaturum † diuitem præter ceteros præstaturum.
Minerua si inde uictrix discederet, formosissimum inter mortales futurum, & omni ætate
† scium. Venus autem Helenam Tyndarei filiam formosissimam omnium mulierum
se in coniugium dare promisit. Paris donum posterioribus anteposuit, Veneremque
pulcherrimam esse iudicauit, ob id Iuno & Minerua Troianis fuerunt infestæ. Alexander
Veneris impulsu Helenam à Lacedæmone ab hospite Menelao Troiam abduxit, eamque
in coniugio habuit cum ancillis duabus Aethra & Thesadie, quas Castor & Pollux ca-
ptiuas ei assignarant, aliquando reginas.

Diuitijs, fortasse

Omnium artifi-
ciosissimumSupra Phisæ
dien uocauit

XCIII. Cassandra.

Cassandra Priami & Hecubæ filia in Apollinis fano ludendo lassâ obdormisse di-
citur. Quam Apollo cum uellet comprimere, corporis copiam non fecit, ob quam
rem Apollo fecit, ut cum uera uaticinaretur fidem non haberet.

XCIII. Anchisa.

Venus Anchisam Affarici filium amasse, & cum eo concubuisse dicitur, ex quo
procreauit Aeneam, eique præcepit, ne id apud homines enuntiatet. Quod Anchisæ
inter sodales per uiuum est elocutus, ob id à Ioue fulmine est ictus, quidam dicunt
eum sua morte obisse.

XCV. Vlixes.

Agamemnon & Menelaus Atrei filii, cum ad Troiam oppugnandam conuenerunt
duces ducerent, in insulam Ithacam ad Vlyxem Laërtis filium uenerunt, cui erat
responsum

responsum